

Masaaba - Agape Bibyaronebwa - God's Love Letter Scriptures

Yohana 15:9 Nga Papa n'angana ise, ni nase ndyo nabakana inywe.

Ari ni mube mu khukana khwase.

Yisaaya 43:1,2 - BaEfeso 2:10 Ifwe khuli buraambi bwa Kristo,
khukhwabuumbiwa mu Kristo Yesu khuraamba buraambi bulayi,
bweesi Wele umweene amala khaale khukhujoonarjoonela ari ifwe
khukholatsake.

Yeremiya 1:5 - BaGalatiya 1:15 Ne Wele, mu bweela bweewe, ni mu
shisa sheewe, uwantsawula ise khukhwama mu khusaalikha
khwase, anaanga.

Yohana 15:16 Sishili ndi inywe mumwandobola ise ta, ne ise niye
uwabarobola inywe. Lundi nabangala ndi mutsye mwame
bibyaamo, ni bibyaamo byeenywe bibe bye khubawo biilo ni biilo, ni
Papa abawe shoosi shoosi, sheesi mumuloomba, mu lisiina lyase.

3 Yohana 1:2 Umukanwa wase, ise inoomba ndi khali bibindu byoosi
bikhutsiliile iwe bulayi, nalundi ndi ube ni bulamu bulayi. Namanyile
ndi mu mwoyo uli bulayi.

Yisaaya 43:4 - 1 Petero 2:9,10 Ne inywe muli babandu barobole,
basaayi be buyinga, linaambo likhosefu, babandu ba Wele
babene, nio munyale khuboola bye kamakaanga bya Wele
uwabalaanga khurura mu shilima mwinjile mu buwaanga bweewe
bwe kamakana. 10 Yabawo lutweela nga simumanyikha nga
babandu ta, ne ari muli babandu ba Wele. Khaalekho
simwawambilwa shiisa ta, ne ari mwawambiile shiisa.

Yeremiya 31:3 - BaEfeso 1:4 Lwekhuba akhurobola ifwe khuuba
babewe mu butweela ni Kristo, nga shibala shishiili
nakhubuumbibwa ta, nio akile khube bakhosefu, lundi babakhalikho
likoondo lyoosi mu moni tseewe ta.

2 Timosewo 1:9 Wele niye uwakhuwonesa ifwe nalundi wakhulaanga
ari khube babandu bakhosefu; akhuba ndi khulwe buraambi bulayi
bweesi khwakhola shonyene ta, ne ni khulwe bulayi bwe shitsililwa
sheewe ni bubweela bweewe umwene, byeesi akhuwa ifwe
khubirira mu Kristo Yesu khukhwama khaale ni khaale.

Yohana 3:16 Ne lwekhuba Wele akana naabi shibala, kila awanayo
umwana weewe natweela yenylene, ari nio buli mundu yeesi
umufukiililamo alekhe khuhela ta, ne abe ni bulamu bubukhawawo

ta.

Hoseya 11:8; Yisaaya 49:15,16; & Yisaaya 41:13,14

Luka 12:32 "Mukharya ta, inywe lituuli lye babandu likyeekhe,

Iwekhuba Papa weenywe musangaafu khubawa inywe buyinga.

Matayo 28:20 Nga mubaleekela khuwamba byoosi byeesi nabalakila
inywe. Mwilala, nase ndi atweela ni nanywe, bifukhu byoosi
khukhwoolesa khu ntsakamo iye kumuboolo."

Yohana 14:1 Yesu wilooesela waloma ari, "Mukhaba ni
khukhwiyembelela mu myoyo kyenywe ta. Ni mufukiilile mu Wele, ni
nase ni mufukiililemo.

Zabuli 23:1 - Yohana 10:11 "Ise ndi umwaayi umulayi. Umwaayi
umulayi awanayo bulamu bweewe khulwe kamasheese keewe.

Zabuli 23:2 - Khubimbulilwa 7:17 Lwekhuba Khasheese khakhaali
akari we shitsolongo, khaliba niye umukayi wabwe. Khasheese
khalibaayisa khukhwolisa ni khalibayila khu sebele tsye kameetsi
kakareera bulamu. Ni Wele alibeeya kamasika khukhwama mu
moni tsabwe."

Zabuli 23:3,4 - Luka 1:79 kulyaburukhila ibo boosi babamenya mu
shilima, ni mu shiniini she khuufwa, ni khurangilila bikyele byeefwe
khuutsya mu ntsila tse lukoosi."

Zabuli 23:5,6 - 2 BaKorinso 1:10 Wele uwakhuwonesa ifwe
khukhwama mu bukosi buubi naabi bwe khuufwa, lundi aryo
alikhuwonesa. Ilala ifwe khwara kumwiyikino kweefwe mu niye khuri
kane eloosele khukhuwonesa,

BaFilipi 4:7 Ni lukoosi Iwa Wele lulufuura khumanya khw'omundu
khwoosi, luliinde kimyoyo kyenywe, ni bibyambaaso byenywe bibe
mu Kristo Yesu.

Tsisimo 3:24 & Zabuli 4:8 - Yohana 14:27 Lukoosi nilwo Iwesi
imbalekhee; lukoosi lwase lulweene nilwo lweesi imbaweele. Ise
s'imbawa lukoosi nga shibala ni shibawa ta. Kimyoyo kyenywe
kikheyembelela namwe kikharya ta.

Zabuli 33:18 - 1 Petero 3:12 Lwekhuba tsimoni ts'Omukasya tsili khu
bakwalaafu, ni kamaru keewe kamekule isi khuloomba khwawe, ne
mu moni mweewe mukhandisa ibo babakhola buubi."

BaRoma 5:2 Khwafuna kumukhoosi khubirira mu Kristo, kukukhwolisa
ifwe khu bweela bwa Wele, mweesi khwimile aluno ari. Nalundi
khusangaalila mu khwiyikina khweesi khuli ni nakhwo, khulwe
khukabananila atweela khu shiriifwa sha Wele.

Yisaaya 55:12 - Luka 19:40 Yesu wabelamo ari, "Mbaboolela ndi, nibo
ni kane basile busa, kamabaale kane kayokese."

Yohana 16:22 Ni nanywe muli muryo; ari muli mu mutaambo, ne
n'indibabona lundi, kimyoyo kyenye kiliba ni kumwikhoyo, ate
mbaawo ulibarusakho kumwikhoyo kwenywe ta.

Luka 12:9 Ni nooyo uwuntsikaanila mu moni tse bandu, naye aryo
alikaanibwa mu moni tse bamalayika ba Wele.

Matayo 10:30 Ne inywe ni litsuune liliili khu mirwe kyeenywe lyoosi
lyamala khaale ni khubaliwa.

Yisaaya 54:10 - Matayo 24:35 Likulu ni shibala biliwawo, ne bilomo
byase sibiliwawo ta.

Matayo 11:28-30 "Aso, ni mwiitse is'indi, inywe mweesi babaluwile,
lundi babasitowelewwe, ni nase kane imbawose. 29 Ni tuyile
shisutwa shase, mushitiikhe, muryo mwiyikile khwiise, Iwekhuba
ise ndi umukwalaafu lundi umuwolu mu mwoyo, ni nanywe
mulinyoolela kimyoyo kyeenywe shiwolelo. 30 Lwekhuba shisutwa
shase sishili shisiro ta, nalundi shili shishaangu."

Solomoni 2:10 & Hoseya 2:14,19,20

2 BaKorinso 11:2 Libuba lyeesi imbawambila inywe lili lya Wele,
Iwekhuba nabaselelela umuseetsa mutweela, niye Kristo, nga
umukhaana ukhamanyakho umuseetsa ta.

Exodus 3:14 - BaHeburania 13:8 Yesu Kristo arama shitweela busa,
ingoloobe, shaleelo, ni biilo ni biilo.

Hoseya 13:4 - Buraambi 4:12 Nalundi mbaawo buwonesi khubirira mu
mundu ukuundi yeesi ta, Iwekhuba mbaawo lisiina liliindi asi e likulu
lyeesi babandu banya la babiriramo bawonesebwa ta akhali lya
Yesu."

Yohana 15:14 Inywe ni mukhola byeesi ise imbalomela, muba basaale
baase.

Yohana 14:6 Yesu wamwiilamo ari, "Ise niye intsila, nalundi niye
bwanjali, nalundi niye bulamu. Mbaawo umundu uwiitsa isi Papa ta,
khurusakho nga abirira mus'ise."

Khubimbulilwa 3:20 Bona, nemikhile khu mulyaango, indikho
ikhonyaka. Umundu yeesi n'awulila likono lyase wekulawo
kumulyango kweewe, kane ise ningile muntsu yeewe, indye ni naye,
ni naye alye ni nase.